

T5236.05/4462

146

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 20 1940

文苑英華卷第七百六

序八

文集八

大尉衛公會昌一品制集序二首

鄭道是李集

編序或集到之興載籍之始先王發號施令明罰勅法

蓋本於此也唐虞之盛二典存焉夏殷之際亦有訓誥自

爾征其咎乃有誓命之書皆三代之文一王之法也虞夏

之際代祀綿遠其代王掌制之名氏莫得而知至于成湯

太甲則有仲虺伊尹為之訓誥高宗得傅說則有說命之

篇周公召公相成王則有名誥酒誥周官顧命秦始皇帝

并一版字丞相李斯實掌其言漢興當秦焚書之後傳從

之臣皆不習文吏蕭曹之輩又乏儒墨之用每封功臣建

文苑英華卷第七百六

序八

文集八

太尉衛公會昌一品制集序二首

鄭亞

裕集

綸綽

文集蜀集
並作緋

之興載籍之始先王發號施令明罰勅法

蓋本於此也唐虞之盛二典存焉夏殷之隆厥有訓誥自
胤征其誓乃有誓命之書皆三代之文一王之法也虞夏
之際代祀綿遠其代王掌制之名氏莫得而知至于成湯
太甲則有仲虺伊尹為之訓誥高宗得傳說則有說命之
篇周公召公相成王則有洛誥酒誥周官顧命秦始皇帝
并一區宇丞相李斯實掌其言漢興當秦焚書之後侍從
之臣皆不習文史蕭曹之輩又乏儒墨之用每封功臣建

哈佛大學哈佛燕京
圖書館藏

子弟其辭多天子為之縱委於執翰者亦非彰灼知名之

士武帝使司馬相如視草率皆文章之流以相如非將相

之集本文粹器也厥後寢以微長集本文粹作下于魏晉

亦代有其人我高祖革隋文物大備在貞觀中則顏公師

古岑公文本興焉在天后時則李公嶠崔公融出焉燕許

角立於玄宗之朝常楊繼美於代宗之代集作洎憲宗皇

帝英武啓運雄圖赫張中興之業高映前古其時則先太

師忠公翺翔內署有密勿贊佐之績平吳定蜀時文粹唯

其功及登樞衡作霖雨尊王室卑諸侯圖蔡料齊外定內

理顯王言於典誥彰帝範於圖籍紀在徽冊播於無窮特

進太子少保分司東都衛公長慶中事惠皇為翰林學士

訓誥之業彰於傳聞昭肅皇帝統握乾符寤寐良弼詔自

淮海復升台庭盡付玄機允厭神度每彤墀集作奏罷別

承天睠帝亦講伊尹傳說集本文粹作之旨定元首股肱

之契以太平之制度上古之文教咸屬於公焉會先太后

懿號未立帝明發有求懷之痛公述沙麓神井之瑞贊繞

樞懷日之慶懋遵聖緒光慰孝思於是承命有宣懿祔廟

之制及武宗郊昊天拜清廟文物胥備朝廷有禮華夷述

職河朔修貢乃顯神麻薦徽號奉揚一德以示萬方於是

撰仁聖文武至神大孝之冊封域無虞天子翛然有求玄

之思乃範貞金模聖表隆準日角燭于宮庭中外臣僚咸

欲以頌山河而褒日月也公於是有聖容之贊天街之北

德鬻攸居因饑憑陵怙衆強禦嚴之以刀斗而勃爾無懼

申之以文告而腆集之然不率天子震怒旋命征之公獨

運沉機上資宸斷萬里勝負決於帷中雷霆既震犬羊遽

集作文粹作遂潰疣贅披抉腥羶解離遁其名王復我貴主公於

是有討北狄之詔天寶末薊門為首亂之地瘡痍榛棘襲

世未平至於漁陽帥師仲武掃除妖孽滅獲仇讐奉揚威

神乃底康靖仍願勒石於盧龍之塞以叙聖功飛章上聞

帝用允若公祗膺文粹作應非明命舒展格言呼嘯神祇吐納

嵩華當晝而文星現不寐而白鳳來成諸侯不朽之勳尊

元后無私之化公於是有幽州紀功之碑路師劉從諫死

其子因關河之嶮恃甲兵之衆請爵爭地屢聞王庭中外

疑疑互撓天聽帝將雅神武公累聲文粹作獻忠集作奇謀且言

曰重耳在喪不聞利父雄渠受戮抵以拒君况明皇舊宮

天井內地跨集本文粹作連河北脅倚山東豈可行有一作育匪

人坐為汚俗若是可忍孰不可容沃心無疑躡足乃定又

曰上黨居天下之脊富河朔之喉今漳水雄兵常山勁卒

是為唇齒寔懼因依不若乘其文粹作於未萌制其將動帝俞

其奏乃妙選使臣以勞諭之嚴立刑賞以勸戒之魏侯鎮

侯戮力從命絕壺關之右臂收泝水之上游獲茲渠魁在

此成筭又轅門叛將潢水餘兇竊上相之旌旗盜晉陽之

管鑰帝怒斯赫人心愈疑咸以師老于郊梟巢尚固議罷

兵者以聚請宥過者雷同公又揚笏而言曰彼地則義師

師介集作師分宗室是玄祖英華作文王恐非勤商之邑后稷造周之

邦瓜瓞具存堂構斯在苟虧策畫不襲仇讐則是獎彌牟

逐主之風長冒頓射親之俗詩稱築室于道書謂疑謀勿

成由是洞啓宸衷大破群議運籌制勝舉無遺策防微慮

遠必契神機授鉞之臣伏膺承命謝安之圖碁尚却曹叅

之飲酒方酣果有軍書繼聞戎捷砥磨周鉞水集本文粹作興淬

鄭刀萬里來袁紹之頭顱二塚葬蚩尤之肩髀歡聲雖震

於朝市喜氣不見於形容何其纂立功勳鎮定風俗若是

之重也集本文粹無他字公於是有伐上黨之制平晉陽之勅宗

華可汗獻琛輸賚越自絕漠集本文粹作域通於本朝文畢伯士

之胤呼韓谷文粹作鹿蠡之師或執玉而朝靈囿或解辯而拜

泉並垂於策書集作史冊光被明命公於是有諭迴鵠之命

五慰堅昆之書四文章等於訓傳機事出於神明固將偃

仰邛右之符傲睨鬼箝之錄聞之者可以祛聾噴得之者

可以弼邦國每牙管既拔芝泥將熟一作乾嘗於前席親授

筆札公亦分陰可就落簡如飛時有急宣關於密畫內庭

外制皆不與聞或勢切疾雷機難終日宣室未召武帳莫

開公則手疏集本文粹作疏于封章達於旒宸集本文粹作袞當乙夜觀

書之際未嘗不稱羨再三此又豈可與傳集作賦洞簫而諷

於後庭聞子虛而嗟不同世者論功校集作較德耶歲在乙

丑群公常伯以天子之道貫於神祇一年而風雨攸序災

沴不作二年殲醜虜興北伐之詩四年誅狡童詠東征之

...

歌而又移

集本文粹作伐

摩尼之風壞浮圖之俗偃兵反撲四海

胥定思欲增鴻名光下武公乃觀東序之圖按西崑之謀

鋪舒名實藻縟文采

集作質

類于上帝為唐神宗公於是纂

章天成功神德明道之冊文號位既畢華夷會同方將命

禮官召儒者訪匡衡后土之議採公王明堂之圖考肆覲

之禮於梁生取封禪之書於天子盡皇王之盛事極臣子

之殊功而軒鼎將成禹書就掩然猶進先嘗之藥獻高千

之醫藏周旦請代之書追漢宣易名之美作為大誥祈于

昊天始終一朝紹續九德其功伐

文粹作攻伐集作攻闕

也既如彼

其制作也又如此故合武宗一朝冊命典誥奏議碑讚軍

機羽檄凡兩帙二十卷輒署曰會昌一品制集紀年追聖

書位旌官業也歲在丁卯亞自左掖出為桂林九

公書至自洛以典誥制命示于幽鄙且使為序以集成書

尋玄珠莫究其

集本文粹作不究於

倪域聽希聲莫窮於高下承命

震恐

集本文粹作端

幾移朝夕援筆而復止者三四念江陸修濫

辭讓不及因齋潔以序焉夫全功難持大名難兼

集作日堅

赫於晝而乏清媚月皎於夜而無溫煦冬之為候也則雪

霜飄暴凍入肌髮夏之為用也則金流石爍火走膚脉如

陽春高秋者稀焉南則瘴風毒虺之為厲也北則獯戎黠

虜之為患也如洛陽咸秦者幾焉鷗鷺不傳之以馳騁驛

驪不授之以騫翥如應龍者鮮焉仲尼聖賢之宗也位止

於司寇老

集本文粹作師

聃道德之祖也官不過柱史如姬旦者

幾馬是以保衡傳說左右殷宗集本左右殷王召公畢公寅亮周

室咸著大訓克為元龜書契已文粹來未之多有李斯以

刻石紀號之文勝而不在休明之運又何足數哉周勃霍

光雖有勲伐而不知儒術枚臯嚴忌善為文華而不至巖

廊文粹作巖廟集作廊廟自是以降其類寔繁惟公蘊開物致君之

才居元弼上公之位建靖難平戎之業垂經天緯地之文

萃于直躬集本文粹作粹于厥躬慶是全德蓋四序之陽春九州之

咸洛品彙之應龍人倫之姬旦集不此下有也字後之學者其景

行之云爾集作文粹無云字二字

同前代桂府榮陽公

李商隱

唐葉十五帝謚昭肅始以太第茂劉天休遂臨去聲西宮入

高廟將以準則九土指麾三靈乃顧左右曰我祖宗並

豪英範圍古昔史卜宵夢震嗟不寧是用能文惟睿掌武

以求大業今朕奉承天命顯登乃辟庸不知帝賚朕者其

誰氏子焉左右惕兢威靈迷撓章指周訥揚吃不能仰酬

既三四日乃詔曰淮海伯父汝來輔予霞披霧消六合快

望四月某日入覲是月某日登庸淵角竒姿山庭異表為

九流之華蓋作百度之司南帝由是盡付玄機允厭入聲神

度左右者咸不知其夢耶卜耶金門朝罷玉殿宴餘獨銜

集作日光靜與天語帝亦幽闡徵召誥說命之旨定元首

股肱之契曰我將俾爾以大手筆居第一功麒麟英華作凌煙恐

非閣中霍光且圖於勲伐玄洲苑上魏牧集作別議於文

閣中霍光且圖於勲伐玄洲苑上魏牧集作別議於文

章光映前修允兼具美我意屬此爾無讓焉公拜稽手曰
 臣某何敢以當之在昔太宗有臣曰師古曰文本高宗有
 臣曰嶠曰融玄宗有臣曰說曰瓌代宗有臣曰衮至於憲
 祖則有臣禰廟曰忠公並稟太白以傳集作傳精神納非煙
 而敷藻思才集作材可以淺深魏邴道可以升降伊臯而又
 富僧孺之新事識庾特之奇字清風濯熱白雪生春淮南
 王食時之工裴子野味爽之獻疑王粲之夙構無禰衡之
 加點然後可以弘宣王畧輝潤天文豈伊乏賢可纂集作續
 舊服帝又曰舜何人也回何人哉朕思丕承汝勉善繼無
 忝辱乎爾之先公復拜稽首曰易曰中心願也詩曰集作云
 何日忘之臣敢不夙夜在公以揚鴻烈會一日上明發於

法集作清宮之中念兆人之衆顧九州之廣永懷不待之瘳

式重如存之敬公伏奏曰唯先后懋守丕基允集作求資內

助秀南頓集作穎非嘉禾之瑞開烈山神井之祥德駕河洲淑

肩沙麓將顯降媯之配未弘褒紀之恩渝集作論美椒塗掩

華蘭掖綠山破朽夙聞齊主之悲採石傳形早降漢皇之

勳繞緼有慶鳴社承輝而懿號未彰貞魂莫柎恐無以懋

遵聖緒光慰孝思公於是承命有宣懿柎廟之制初文宗

皇帝思宗社之靈桃祖之重傳於夏啓既不克終歸於余

左傳夷又集作亦未能立乃推帝堯敦叙九族之道弘魏文

榮樂諸第之志集作意嘗曰穎邸吾寧忘耶及武宗讓踰三

四位當九五出潛離隱躍泉在天揚八彩於堯眉挺二肘

於湯臂故外則上公列辟內常侍貴人咸願擬議形容依
稀彩飾公措圭歸美吮墨摘詞詠日月之光華知天者之
務也贊乾坤之易簡作易者之事乎公於是有聖容之贊
天寶季年物豐時泰骨鯁者慕周偃武肉食者効晉清談
豕不獷牙蠶因搖尾氛興燕易駕符巴梁九十年鑿輅不
東三千里華戎遂隔日者上玄降鑒元聖恢奇遂於首亂
之邦先有納忠之帥復我疆理平我仇讐集作疆理我邊
鄙滅獲我仇讐
負羽蒙輪已聞於深入赤芾邪幅將事於駿奔陳萬集作
方
賄以展儀備四旂集作
駟介而告捷仍願集無
願字於箕星之分巫
閭之旁追琢貞珉彰灼來葉以文上請屬意宗臣公乃更
夢江毫重吞羅鳥町疇集作
畦河濟呼嘯神祇述列集作
烈

之集作
大藩猷咨藩維

集作
大藩

之深懇既以事苞理亂思屬安危不

嵩岳降神固亦文星功彩螭螭龜戴

集作
載

蟲篆鳥章構思

而君苗硯焚灑翰而元常筆闕公於是有幽州紀聖功之

碑天街之北德齋攸居結以闕氏

集作
支

降我皇女奉春居

婁敬嘗為遠使下杜

集作
杜

人揚望長作畫工乘以無年遂

忘舊好分偵邏於甌脫遺祭酌

集作
酌

於蹕林俾我刁斗晨

驚堯零夜設公乃上資宸斷旁輝

集作
輝

軍謀心作靈臺手

為天馬克國四夷之學此日方知薛公三策之徵他時未

爽既而鬼箝飛辨石降籌不使郭門仍讒於段熲寧教

李邑更毀於班超勢叶聲同火燔水灌遂得朝還貴主暮

遁名王轄柳塞之歸車復梅粧而向闕及晉成赤狄喪師

歸珪有闕伯之弟兄誕景升之兒子將憑蜀閣欲恃吳錢

姑務連雞靡集作不思縛虎既乘集作垂是文誥尚有群疑公乃

挺身而進口重耳在喪不聞利父衛朔受貶祗以拒君今

天井雄藩金橋故地跨搖河北脅倚山東豈可使明皇舊

宮坐為汙俗文宗外相行有集作宥匪人忠謀既陳上意旋

定俄又埃昏晉水霧塞唐郊殊懿公之東涉集作徒渡河若

紀侯之大去其國稽于時議憚在宿兵公又揚笏而言曰

彼地則義師帥唯宗室乃玄集作文非王勤商之邑后稷造周

之邦瓜瓞具存堂構斯在苟虧策畫不習仇讐則是獎夙

沙縛主之風長冒頓射親之俗昔武安君用戕坑卒四十

一萬齊桓公受胙立功一十二國今真將軍為時而出賢

諸侯代不乏人况其俗產代地之名駒富管涔之良璞有

抱樹辭榮之節有漆身報德之風耶躡足以謀屈指而定

謝安之圍碁尚劫曹叅之飲酒正酣適有軍書果聞戎捷

邳牛謝衆丕豹出奔樂毅不歸鄒衍已去砥磨周鉞水淬

鄭刀萬里來袁紹之頭顱二塚塋蚩尤之肩髀何其慕立

大効集作功樹建嘉績若是之速歟宗英可汗既畏皇威遂

聞請吏留黎徑路對湮酪以知羞毳幕氈裘望衣冠而有

慕文畢集作大異伯士之範呼韓單于之師或執玉而朝靈囿

或解辯而拜甘泉並垂於冊書光彼明集作名命百王共貫

三代同規公於是奉命有討北狄之詔伐上黨之制諭廻

鷓之命五慰堅昆之書四每牙管既拔芝泥將乾集作上

熟

輒曰爾有獨斷朕集作戎無疑謀固俟沃心不可假手公亦

分陰可就落簡如飛故每有急宣關於密畫內庭外制皆

不與聞此又豈可與美洞蕭而諷於後庭聞子虛而嗟不

同世者論功而校德耶其有勢切疾雷機難終日屬宣室

未召武帳不開公莫暇昌言且陳密疏賈太傅之憂國故

動集作洞深誠山吏部之論兵詎因夙習凡所奏御罕或依

違及武下言其升遐英華作宣非宗下武重光崇名再易公又觀圖東

序按諜西崑率億兆同心列公卿定議以一十四字垂百

集作意千萬年滌縹詞華鋪叙名實秦晉於王檢瑤繩之內

平勃於綠疇讒鼎之間方將命禮官召儒者訪匡衡后土

之議採公玉明堂之圖考肆覲之禮於梁生取封禪之書

於天子盡皇王之盛事極臣子之殊功而軒鼎將成禹書

乾掩然猶進先嘗之藥獻高手之醫藏周旦請代之書追

漢宣易名之義作為大誥祈于昊天始終一朝紹續九德

其功伐也既如彼其製作也又如此故合詔誥奏議碑贊

等凡一帙一十五卷輒署曰惠昌一品集云紀年追聖德

也書位旌官業也不言制禁崇論道也惟公字文饒姓李

氏趙郡人蓋大鼎集作昂是中立有風雨翕張之氣藜臺高邑

名集作有山河隱軫之靈萃于直躬慶是全德許靖廊廟之

器黃憲師長之姿何晏神仙叔夜龍鳳宋玉閑麗王衍白

皙馬援之眉宇盧植之音聲此其妙水鏡而為言託丹青

而為裕至於好禮不倦用和為貴敬一人而取說謙集作三

六位而無咎意集作點以默識確乎寡詞車集作連非匠胡奴罔

迷於半面背碑覆局無俟於專心聿承儉訓不有長物昔

猶卑官端坐心齋江革分謝朓之舊襦便為卧具周正得

袁憲之談柄常集作嘗在講筵五車自娛三篋能識麗則孔

門之賦清新鄴下之詩重以多能推於小學王子敬之隸

法適媚皇依明之草勢沉著異代集作時相逼當世集作代罕

儔不妄遇人集作過人非慎於取友與李杜齊名者少願集作

須僑札交貺者稀故能應是昌時媚於天子憲章皇極燮

理玄穹燭耀家聲粉飾國史侔帝典之灑灑噩噩尊王道

之蕩蕩平平而又不節怨嗟知進憂亢張良竟稱多病王

允方務順神無穎陽之善田乏好時之巨產何曾之食

跳集作虞崇之鮓方嘗憂其厚味有爽和氣有疑作無

在集作琴鶴有餘成萬古之良相為集作一代之高士緊

爾來者景山仰之某昔在左曹每集作實事先帝雖詭詞望

利不接於言語而申義約文庶窺於風采代天之言既集

蟠地之樂難忘蓋屬才華用為序引以鄒衍之迂恠將穎

巖之淺近忽焉承命何所措辭五嶺幽遐八桂森爽莫逢

博約寧遇切磋處無價之場率然占玉登集作立不枯之岸

粗爾論珠雖嘗有意焉亦不知量也某叩頭再拜上集無此六

字

右李德裕集兩序前篇鄭亞為桂帥時所撰今集用
之其後篇疑亞先委判官李商隱代作亞復改定故

有異同

文苑英華卷第七百六

文苑英華卷第七百七

序九

文集九

樊南甲集序一首

樊南乙集序一首

樞公集序一首

文泉子集序一首

笠澤叢書序一首

陳先生集序一首

陳先生集後序一首

湘南應用集序一首

舟中錄序一首

樊南甲集序

李商隱

樊南生十六能著才

集作十

論聖論以古文出諸公間後聯

為鄆相國華太守所憐居門下時勅定奏記始通今體後又兩為秘省房中官恣展古集往往咽嗚於任范徐庾之

間有請作文或時得好對切事聲勢物景集作上浮壯

能感動人十年京師寒且餓人或目曰韓文杜詩彭揚章

檄樊南窮凍人或知之仲弟聖僕義特善古文居會昌中

進士為第一二嘗表集無以今體規我而未為集作能休

大中元集作年被奏入嶺集作當去聲表記所為亦多冬如

南郡舟中忽復括其所藏火燹息淺墨污烏汚半有墜落

因削筆衡山洗硯湘江以類相等色得四百三十三件作

二十卷喚曰樊南四六四六之名六博格五四數六甲之

取也未足矜十月十二日夜月明序

樊南乙集序

前人

余為桂林從事日嘗使南郡舟中序所為四六作二十編

明年正月自南郡歸二月府貶選為塾屋尉與班縣令武

公劉官人同見尹尹即畱假參軍事專章奏屬天子事邊

康季榮首得七關數月集作李玘得秦州月餘朱叔明又

得長樂州而益丞相亦尋取維州聯為章賀時同僚有京

兆韋觀文河南房魯樂安孫朴京兆韋嶠天水趙璜長樂

馮顥彭城劉允章是數輩者皆能文字每著一篇則取本

去是歲葬牛太尉天下設祭者百數他日尹言吾太尉之

薨有杜司勳之誌與子之奠文二事集有為不朽十月尚

書范陽公以徐戎凶悍節度闕判官奏入幕故事軍中移

易牒刺皆不關決記室判官專掌之其關記室者記室假

故余亦參雜應用明年府薨選為博士在國子監太學始

主事講經集作始復欲申誦古道教太學生三字集作為

文章七月尚書河東公守蜀東川奏為記室十月得見吳

郡張黯見代改判上軍時公始陳兵新教作塲集作新練

閱數兵實判官務檢舉條理不暇筆硯明年記室請如京

師復攝其事自桂林至是所為已五六百篇其間可取者

四百而已三年已來喪失家道平居忽忽不樂始尅意事

佛方願打鍾掃地為清涼山行者於文墨意緒濶畧為置

大牛集作太平篋塗道破裂不復條貫十月弘農楊本勝始來

軍中本勝賢而文尤樂收聚牋刺因懇索其素所有會前

四六置京師不可取者乃強聯桂林至是所可取者以時

以類亦為二十編名之曰三字集四六一此事非平生所

尚應求備卒不足以為名直欲以塞本勝多愛我之意

遂書其首是夕是大中七年十一月十日夜火盡燈暗前

無鬼鳥一如大中元年十月十二日夜時集作是序前四

書罷未明不成寐集作書罷未歎

權公集序

楊嗣復

唐有天下二百二十載用文章顯於時代有其人然而自

成童就傳以及考終命解巾筮仕以及鈞衡師保造次必

於文集作是視聽必於文集作是采章集作文皆正色而無駁雜

調韻皆正聲而無竒邪滔滔然如河集作滔滔然如江河

東注不知其極而又處命書綸綍之任專考覈品藻之柄

參化成輔翊之勳初中終全而有之得之於相國文公矣

公諱德輿字載之天水人也族望祖宗之遠當官行已之道語在國史銘於壙而碑於途此不敢詳今所載者因緣文業而已早歲爲淮南江西從事掾管記室之任屬詞詣理奏入而報可移文走檄疆事寧解登朝爲起居舍人改駕部員外郎換司勳郎中遷中書舍人凡四任九年專掌詔誥大則發德音修典冊灑朝廷之利澤增盛德之形容小則褒才能叙官業區分文粹作文別流品申明誠集作沮勸無誕詞無巧語誠直溫潤真王者之言公昔自纂錄爲制集五十卷託於友人湖南觀察使楊公憑爲之序故今不在編次之文粹無之字內其他千名萬狀隨意所屬牢籠今古窮極微細周流於親愛情理之間磅礴於勳賢久大之業不

爲利歟不以菲廢本乎道以行乎文故能獨步當時人人心伏非以德爵齒挾而致之貞元中奉詔考定賢良草澤之士昇名者文粹作士十七人及爲禮部侍郎擢進士第者七十有餘文粹作二鸞鳳杞梓舉集其門登輔相之位者前後凡十人其他征鎮岳牧文昌掖垣之選不可悉數方且繼居重任者猶森然十字文粹作繼居其任者今猶森然非精識洞鑒其詞而知其人何以臻此耶憲宗皇帝紹開中興始以集作初英明申威提法武功既愈文粹作俞文教是圖元和五年冬執政暴疾既瘖且痺未旬日而公作相憲章儒術潤色王度使和聲順氣發自廊廟而壘決於幽遐我之所長時久文粹作以推戴玉立冰潔無緇磷遷染之譏以文德自終豈徒然哉嗣

復不佞發跡門館儀曹台席皆忝前躅公之元子中書舍人璩不幸短命其嗣憲孫文粹作子憲泣奉文集求鄙詞以冠篇首雖觀於巨海難挹波濤而籍用白茅所資誠敬其五十卷次第具在集目謹序

文泉子集序

劉蛻

於西華主之降也其三月辛卯夜未半野水入廬漬壞簡策既明日燎其書有不可玩其辭者噫當初不敢自明其書十五年矣今水之來寇余命也已矣故自褐衣以來辛卯以前收其微集作微詞屬意古今上下之間者為外內篇焉復收其怨抑頌記嬰於仁義者雜為諸篇焉物不可以雜故離為十卷離則名之不絕故授之以為文泉泉之

時義太矣哉蓋覃以九流之文古配以不竭之義曰泉崖

谷結集作枯珠璣味則將救之雲雷亢染盛乾則將救之余

豈垂之空文哉自辛卯迄甲午覆研五具切于襄陽之野

笠澤藁書序

陸龜蒙

藁書者藁脞之書也藁脞猶細碎也細而不遺大可知其

所容矣乾符六年春卧于笠澤之瀨敗屋數間蓋蠹書十

餘篋帕集作伯男兒裁三尺許長碼齒猶未遍教以藥劑象

梧子大小外研墨泚筆供紙札而已體中不甚集作堪羸羸

時亦隱几強坐內壹鬱則外揚為聲音歌詩賦頌銘記傳

叙往往雜發不類不次渾而載之得稱為藁書自當去聲緩

集作憂之一物非敢露世家耳目故凡所諱其中畧無避

馬

陳先生集序

黃滔

唐設進士科垂三百年有司之取士也喻之明鏡喻之平
衡未嘗不以至公爲之主而得喪之際或失於明鏡或差
於平衡何哉俾其負不羈之才蘊出人之行歿身末路抱
恨泉臺者多矣嗚呼豈天之否其至公之道耶抑人之自
坎其命耶穎川陳先生實斯人之謂歟先生諱黯字希孺
父諱贄通經及第娶江夏黃夫人賢而生先生無昆弟姊
妹十歲能詩十三袖詩一通謁清源牧其首篇詠歌河陽
花向時豆新愈菴之收藏之曰藻才而花貌胡不詠歌先
生應聲曰玳瑁應難比班犀定不加天嫌未端正滿面與

紫花繇是聲名大振於州里十七爲詞賦作蘓武謁漢武
帝陵廟賦便爲作者推伏二十爲文先生松姿柳態山屹
波注語默有程進退可法早孤事太夫人彌孝熙熙愉愉
承顏侍膳雖隆雲霄之望終確綵衣之戀既而及其子蔚
冠太夫人勉之曰付蔚於潘岳之筵俟爾於知訖之桂方
起於鄉薦求試貢闈已過不惑之年矣及會昌乙丑逮咸
通乙酉其間以寧家兼在疚之日斷絕往來吳楚之江山
辛勤秦雍之槐蟬嗟嘆知已之許與同郡王肱蕭樞同邑
林顥漳浦赫連韶福州陳蕘陳發詹雄同時而名價相上
下嗚呼斯八賢皆以不羈之才出人之行懇乎進趨恂恂
乎鄉黨而無所成豈天之意否其公耶抑人之自坎其命

文苑英華卷一百一十五

五

文苑英華卷一百一十五

共乃

也俾有司失其明鏡差其平衡之如是結冤氣於冥路之中
永恨於泉臺之下豈不甚歟先生之文詞不尚竒切
於理也意不偶立重師古也其詩篇詞賦牋檄皆精而切
故於官試尤工洎即先生之內姪也自北趨隅洎隨計之
歲先生下世後二十年而忝登科第東歸之日求遺藁其
家經兵火也少得其文三十首他處得詩若干首敬俟增
而後述天復元年洎叨閩相之辟旋使錢塘與羅卽中隱
過曰咸通初與先生定交於蒲津秋賦則五老化爲流星
詩則漢武橫汾先生之試官嚴卽中下都之吟諷秋塲五
十人之降仰今遺藁可藜願爲之序既還不及求增謹以
所得之文賦詩牋分爲三卷收浹搦管爲之前序蔣

卽爲之後序正卽負字內之雄名也用釋泉臺之恨時天

復二年壬戌秋七月十日

陳先生集後序

羅隱

穎川陳先生諱黯字希孺曩者與予聲跡相接於京師各
獲譽於進取咸通庚寅歲膠其道於蒲津秋試之塲自後
俱爲小宗伯所困不一某疑甲申春告予以婚嫁之牽制
東歸青門搯執之後余亦東遊逮大梁時故抗州盧員外
潯在幕齋其文軸謂余曰陳君罷而東豈期斯文之終窒
乎子東及之爲我歸其文而激其來余至維揚及歸其文
遵其言相懽月而後別爲我謝范楊公龍門之後不復顧
矣由是音塵杜絕天復元年四門博士江夏君通家相好

于吳越而余論及場中養之名士及希孺之表也余不覺
愴然懷舊明年黃君以其文章德業爲之序以寓俾予繫
述遂得申斯言嗚呼大唐設進士科三百年矣得之者或
非常之人失之者或非常之人若陳希孺之才美則非常
之人失者矣夫德行莫若敦於親戚文章莫若大於流傳
今已備於江夏之筆矣余不克再敬止書交道于是噫

湘南應用集序

前人

隱大中末即在貢籍中命薄地卑自巳卯至于庚寅一十
二年看人變化去年冬河南公按察長沙郡隱因請事筆
視以資其旨明年夏隱得衡陽縣主簿時硤州盧侍御自
龍城至右司張員外遊曲江迴皆謂隱不宜佐屬邑

二字集作

於戲隱自卜也審江表一白丁耳安有空將卷軸與
公相子弟爭名幸而知非得以此減過冬十月乞假歸覲聞
風於洞庭青草間因思湘南文書十不一二蓋以失落於
馬上軍前故也今分爲三卷而舉牒祠祭者亦與焉某月
二十四日序

舟中錄序

錢珣

乙卯歲冬十一月余以尚書即得掌誥命庚申歲夏六月
以舍人獲譴佐撫州馳暑道病秋八月自襄陽浮而下舟
行無役因解束書視所爲辭藁剪剪一作翦冗碎可存者得
五百四十篇丞相表奏百篇區別編聯爲二十卷夫體正
而有倫辭約而居要始終明白茲所以爲誥也國朝聲名

辭臣率能由是而作堂闔秘邃不與漢魏爭高下而荒學
小子以一日視其冗隙間其可見堂奧而得規摹哉以是
代天子言誠不知而作也古者黜幽不過考三載之績余
肩君六年見考無績用思黜不亦宜乎所編聯不敢以集
稱理諸舟中遂曰舟中錄是年九月錢珣自序於沔陽之
南

芷澤藜書序乾符六年春卧于芷澤之瀨

集作自乾符六年

卧病于芷澤之瀨

裁三尺

集作裁未三尺

文苑英華第七百七

文苑英華卷第七百八

序十

遊宴一

春日孫學士宅宴序一首

梓潼南江泛舟序一首 秋日宴季慶士宅序一首

秋日遊蓮池序一首

夏日宴宋五官宅觀畫障序一首

夏日登韓城門樓寓望序一首

夏日登龍門樓寓望序一首

越州秋日宴山亭序一首

仲氏宅宴序一首

上巳浮江宴序一首

秋日宴洛陽序一首

遊山廟序一首

守歲序一首

三月上巳祓禊序一首

晚秋遊武擔山寺序一首

夏日宴張二林亭序一首

綿州北亭群公宴序一首

宇文德陽宅秋夜山亭宴序一首

遊冀州韓家園序一首 與員四等宴序一首

春日孫學宅宴序

王勃

若夫懷放曠寥廓之心非江山不能宣其氣負鬱快不平
之思非琴酒不能洩其情則林泉為進退之場樽酒是言
談之地白衣送酒青陽在節鳧鴈亂而江湖春梅柳開而
庭院晚楚屈平之瞻望放子何之王仲宣之登臨竟芳徒

參德客特有品傾鸚鵡之盃文人代輕聊舉麒麟之筆人
乘一字四韻成篇

梓潼南江泛舟序

前人

咸亨二年六月癸巳梓潼縣令常君以清湛幽疑鎮流靖
俗境內無事艤舟於江潭縱觀於丘壑渺然有山林波澤
之思遂長懷悠想周覽極睇思其人則呂望籍茅於磻溪
之陰屈平製芰於涪陽之浦覺瀛洲方丈森然在目於是
間以投壺讐以妙論亦有嘉餼旨酒鳴絃朗笛以補尋幽
之致焉預於斯者若干人爾

秋日宴季處士宅序

前人

若人爭名於朝廷者則冠蓋相趨遁迹於丘園者則林泉

見託雖語嘿非一物我不同而逍遙皆得性之場動息匪
自然之地故有季處士者遠辭濠上來遊境中披白雲以
開筵俯青溪而命酌昔時西北則我地之琳琅今日東南
乃他鄉之竹箭又此夜乘槎之客猶對仙家坐菊之賓尚
臨清賞既而依稀舊識歡吳鄭之班荆樂莫新交申孔程
之傾蓋向時朱夏俄涉素秋金風生而景物清白露下而
光陰晚庭前柳葉纔聽鳴蟬野外蘆花行看江上數人之
內幾度琴樽百年之中少時風月蘭亭有昔時之會竹林
無今日之歡大一作夫不縱志於生平何屈節於名利人
之情矣豈曰不然人賦一言各申其志使夫千載之下四
海之中後之視今知我味懷抱於茲日

秋日游蓮池序

前人

人間齷齪抱風雲者幾人庶俗紛紜得英奇者何有煙霞
召我相望道術之門文酒起予放浪沉潜之地少畱逸客
塞鴈飛鳴北斗橫而天地秋西金用而風露降幽居少事
野性多閑登石岸而鋪筵坐沙場而列席琳瑯觸目朗月
清風之後人珠玉在傍鸞鳳虬龍之君子汀洲地遠波濤
濺日月之輝人野路殊原隰擁神仙之氣平郊樹直曲浦
蓮肥隱士泥清仙人水綠越林亭而極望生死都捐出宇
宙以長懷心靈若喪悲夫秋者愁也酌濁酒以蕩幽襟志
之所用清文而銷積恨我之懷矣能無情乎

夏日宴宋五官宅觀畫障序

前人

宋五官芝庭襲譽盛文史於三冬桂幄凝驪照綺羅於九
夏樽浮綠蟻每披仙霧之文障列青牛更寫行雲之態爾
其龍編繡質賀錦分花隱映樓臺比窓簾之在旦參差花
葉若桃李之恒春楚媛調絃韓娥對酒虹橋度幔鵲鏡臨
粧佩引琅玕詎動懷風之韻鞍迴玳瑁唯奔逐日之姿魚
鳥冷而相親泉石紛而在翫宋家斯近雖別謝於登垣秦
氏未遙自堪留於駐馬驚鴻擅美丹青貴近質之竒吐鳳
標華宮微得緣情之趣遞楊筆妙式暢辭端

夏日登韓城門樓寓望序

前人

下官狂走不調東西南北之人也流離歲月羈旅山川輟
仙駕於殊鄉遇良朋於異域祿面勝地陟危樓放曠懷抱驅

馬車日韓原奧壤昔時開戰闢之場秦塞雄都今日列山
河之郡池臺左右覺風雲之助人林麓周廻觀巖泉之入
興則有驚花亂下戲鳥平飛荷葉滋而曉霧繁竹院靜而
炎氣息賞歡文酒思挽雲霄人賦一言庶旌六韻云爾

夏日登龍門樓寓望序

前人

夫益者三友助道術可存同心三人助金蘭可浴况乎詩
書舊好被樂廣之高天鄉黨新知掃顏回之陋巷尋勝地
叙清蕪脫野客之荷衣入幽人之桂坐榴花浮酌對文章
而無憂葛蔓調絃撫鍾期而有遇既而南方夏晚北牖晴
開中園之弱柳含煙曠野之陰雲蔽日低虹飲水向溪谷
而全斜戲鳥凌空狎林亭而半度興含情逸共敦行役之

期搦管含毫獨對當人之序

越州秋日宴山亭亭

前人

昔王子敬瑯瑯之名士常懷習氏之園阮嗣宗陳雷之後
人直至山陽之坐豈非琴樽遠契必兆朕於佳辰風月高
情每留連於勝地是以東山可望林泉生謝客之文南國
多才江山助屈平之氣况乎揚子雲之故地巖壑依然宓
子賤之芳猷絃歌在屬紅蘭翠菊俯映砂亭黛栢蒼松深
環玉砌參差夕樹煙侵橘柚之園的歷秋荷月照芙蓉之
水既而星廻漢轉露下風高銀燭掩花瑤觴行興一時仙
馭方深擯俗之懷五際飛文情動綠情之作人分一字四

讀成篇

仲氏宅宴亭

前人

僕不幸在流俗而嗜煙霞恨林泉不比德而稽阮不同時
處良辰而鬱快仰高風而杼柚者多矣豈夫司馬卿之車
騎上客盈門仲長統之園林群英在席坐卧南郭蕭條東
野江波浩曠晴山紛積嘉鴛鸞之接翼曜江漢之多才顧
斜景而危心瞻火雲而變色思傳勝餞敢振文鋒蓋同席
者高人薛曜等耳盍各賦詩放懷叙志俾山川獲申於知
已煙霞受制於吾徒也

上巳浮江宴亭

前人

吾之生也有極時之過也多緒若夫遭主后之聖明屬天
地之貞觀得畎畝之相保以農桑爲業而託形宇宙者幸

矣况乃偃泊山水遨遊風月樽酒於其外文墨於其間則造化之於我得矣太平之縱我多矣無疑以上已芳節雲開勝地大江浩曠群小紛糾出重城而振策下長浦而方舟林壑清其領眇風雲蕩其懷抱于時序躔青律運啓朱明輕萋秀而郊成青落花盡而亭臯晚丹鷲紫蝶候芳畧而騰姿早鷺歸鴻俟迅風而弄影巖暄蕙密野淑蘭滋弱荷抽紫踈萍泛綠於是儼松舫於石嶼停桂楫於璇潭指林岸而長懷出河州而極睇妍粧袷服香驚北渚之風翠幙玄帷彩綴南津之霧若乃尋曲渚歷廻溪榜謳齊引漁歌互起飛沙濺石湍流百勢翠嶮丹崖岡巒萬色亦有銀鈞犯浪掛頰異於文竿瓊轄疑乘波耀錦鱗於畫網鐘期

在聽玄雲白雪之琴阮籍同歸紫柱蒼梧之酌既而遊盤興遠景促時淹野日照晴山煙送晚方披襟朗詠餞斜光於碧岫之前散髮高吟對明月於青溪之下客懷既暢遊思遄征視泉石而如歸佇雲霞而有自昔周川故事初傳曲路之悲江甸名流始命山陰之筆盍遵清轍共杼幽襟俾後之視今亦猶今之視昔一言均賦六韻齊疏誰知後來者難輒以先成爲次

秋日宴洛陽序

前人

夫以東京勝地南呂高秋三塗鎮而九瓜分白露下而清風蕭或出或處人多朝野之歡以嬉以遊時極登臨之所征衣流寓切下走之蓬襟解榻邀期屬上賓之桂席於是

齊道實歎琴樽個儻論心雷連促膝但有潘楊之密戚一作
契得無管鮑之深知簪組盛而車馬喧庭宇虛而管絃亮
近臨銅陌斜控銀堦菊照新花泛輕香於遠次荷凋晚葉
翻翠影於長波聽矚方窮獻酬逾洽年忘小大傲天地於
平生志混榮枯得林泉之意氣願長繩以繫日幾近光陰
思短札以陵雲或陳歌咏人採古韻成者先呈

遊山廟寺

前人

吾之有生二十載矣雅厭城闕酷嗜江海常學仙經博涉
道記知軒冕可以理隔鸞鳳可以術待而事親多衣食之
虞登朝有聲利之迫清識滯於煩城仙骨摧於俗境嗚呼
阮籍意踈稽康體放有自來矣常恐運促風火身非金石

遂令林壑交喪煙霞版蕩此僕所以懷泉塗而惴恐臨山
河而歎息者也粵以勝友良暇相與遊於玄武西山廟蓋
蜀郡三靈峯也山東有道君廟古者想傳以名焉爾其丹
壑藜倚玄崖糾合俯臨萬仞平視重玄乘杳冥之絕境屬
芬華之暮節玉房跨霄而懸居瓊臺出雲而高峙亦有野
獸群狎山鶯互轉崇松埒巨栢爭陰積瀨與幽湍合響眇
眇焉逸逸焉王孫何以不歸羽人何以長往其玄都紫微
之事耶方歛手鐘鼎息肩巖石絕視聽於寰中置形骸於
度外不其然乎時預乎斯者濟陰鹿弘胤安陽邵令遠耳
盍詩以言志不以韻數裁焉

守歲序

前人

歲月易盡光陰難駐春秋冬夏錯四序之涼炎甲乙丙丁
紀三朝之曆數十二月之陰氣玉律窮年一萬歲之休禎
金觴獻壽賞周禮作鼓雷動煙火星流偃子黃童統鈎陳
而驅赤疫諸王等集陳玉帛而謁一作朝諸侯京兆天中竦
樓臺而徹漢長安路上亂車馬而飛塵王承相之登臨行
將在目戴侍中之重席忽爾明朝槐火滅而寒氣消蘆灰
用而春風起魚鱗布葉爛五色而翻光鳳腦吐花燦百枝
而引照悲夫年鬚將晚志事寥落公孫弘之甲第天子未
知王仲宣之文章公卿不識對他鄉之風景憶故里之琴
歌柏葉為銘影疑泛新年之酒椒花入頌先開獻歲之詞
作者七人同為六韻

三月上巳祓禊序

前人

觀夫天下四方以宇宙為城池人生百年用林泉為窟宅
雖朝野殊致出處異途莫不擁冠蓋於煙霞披薜蘿於山
水况乎山陰舊地王逸少之池亭水興新交許玄度之風
月琴臺寥落猶停隱遁之賓釀渚荒涼尚道逢迎之客仙
舟溶裊一作若海上之槎來羽蓋參差似遼東之鶴舉或
昂騏驎或泛飛鳧俱安名利之場各得逍遙之地而上屬
無為之道下棲玄邈之風水淳二年暮春三月遲遲風景
出沒媚於郊原片片仙雲遠近生於林薄雜花爭發非止
桃蹊群鳥亂飛有踰鸚谷王孫春草處處爭鮮仲阮芳園
家家並翠於是携旨酒列芳筵先後禊於長洲却申交於

促席良談吐玉長江與斜漢爭流清歌遶梁白雲將紅塵
並落他鄉易感增悵恨於茲辰羈客何情更歡娛於此日
加以今之視昔已非昔日之歡後之視今亦是今時之會
人之情也能不應乎且題姓字以表襟懷使夫會稽竹箭
則推我於東南崑阜琳琅亦歸予於西北

晚秋遊武檐山寺序

前人

若夫武丘仙鎮吳王殉歿之墟驪嶠崇基秦帝升遐之宅
紺珠衣玉匣下賁窮泉而廣岫長林終成勝境亦有霍將
軍之大隧廻寫祁連樛里子之孤墳竟開長樂豈如武檐
靈嶽開明故地蜀夫人之葬迹任文公之死所罔巒隱隱
化爲闌岨之峰松柏蒼蒼卽入祇園之樹引星垣於

下布金沙樓日觀於長崖傍臨石鏡瑤臺玉甃尚控霞宮
寶刹香壇猶芬仙闕瑤瓏接映臺凝夢諸_類之雲壁題相
暉殿寫長門之月美人紅影下綴虬幡少女風吟遙喧鳳
鐸群公以玉律豐暇僚林壑而延情錦署多閑想巖泉而
結興於是披桂幌歷松扉梵筵霞屬禪旃煙敞雞林俊賞
蕭蕭鶴嶺之君鹿苑仙談疊疊龍宮之偈于時金方啓序
玉律驚秋朔風四面寒雲千里層軒廻霞齊萬物於三休
綺席乘雲窮九垓於一息碧雞靈宇山川極望石兕長江
汀洲在目龍鑣翠轄駢闐上路之遊列樹崇闈磊落名都
之氣渺渺焉洋洋焉信三蜀之奇觀也昔者升高能賦勝
事仍存登嶽長誼清標未遠敢攀盛烈下揆幽襟庶旌西

土之遊遠嗣東平之唱云爾

夏日宴張二林亭序

前人

張二宮松駕乘閑桂筵追賞引簪裾之勝侶狎丘壑之神
交辨縱於解頰道深於喻指香杯濁醴是河朔之平生雄
筆清詞得高陽之意氣林亭曠望季倫調伎之園泉石周
游子晉登仙之浦舟浮葉影簞積花文黃鵲度而颯驚丹
鳥傾而日晚出處之情一致筌蹄之義兩忘沉轄留驥眺
乘羊於衛玉彈毫可作明擲地於孫金共題橫吹之篇用
記茲辰之樂人採一字四韻成篇

綿州北亭群公宴序

前人

下宮一作客人間獨傲海內少徒忘不屈於王侯身不絕於

塵俗孤吟五嶽長嘯三山昔往東吳已有滌鴻之志今來
西蜀非無張載之懷况乎踐名場携勝友風月無幾琴酒
俄乖半面十年一別千里何少府故人攀桂撫金石而論
心韓法曹新餞班荆臨江湖而執手離亭北望煙霞生故
國之悲別館南開風雨積他鄉之思于時蒼雲寡色白日
無光沙塵起而桂浦昏鳧下而蘆洲晚傍隣蒼野霜風
橘柚之園斜枕碧潭直斷芙蓉之水既而登臨惜別駭駕
少留季札何人親逢贈縞子荆不憊思掛傾城惆悵
北梁捐琴臺而漸問徘徊東道思錦署以行遙嗟乎人事
乖矣江山遠矣請命離前之筆為題別後之資五際飛文
想群公之不讓一言有贈知下筆之有神

宇文德陽宅秋夜山亭宴序

前人

若夫龍津宴喜地切登仙鳳閣玄虛門稱好事亦有似仙
山臨水長想巨源秋風明月每思玄度未有能星馳一介
留美跡於芳亭雲委八行杼勞思於彩筆遂令啓瑤緘者
攀勝集而長懷披瓊翰者仰高筵而不暇王子猷之獨興
不覺浮舟稽叔夜之相知欣然命駕琴樽重賞始詣臨邛
口腹良遊未辭安邑乃知兩鄉投分林泉可揆杖而遊千
里同心煙霞可傳檄而定友人河南宇文嶠清虛君子中
山卽餘令風流名士或三秋意契關林院而開襟或一面
新交叙風雲而倒屣彭澤陶潛之菊影泛仙樽河陽潘岳
之花光縣妙理疑巖巖思壁家藏虹岫之珍森森言河

壑泉之寶偶同金碧暫照詞場巴漢英靈潛光翰院
豐焉蕭蕭焉信天下之奇託也于時白藏開序青女御律
金風高而林野動秋露下而江山靜琴亭酒榭磊落乘煙
竹徑松扉參差向月魚鱗積磴還昇蘭桂之峯鴛翼分橋
卽映芙蓉之水亦有紅蕖綠荇巨渚連翹玉帶瑤華分楹
間植池簾夕敞香牽十步之風岫幌霄寒氣襲三危之露
縱冲於俗表留逸契於人間東山之賞在焉南澗之情
不遠夫以中牟馴雉猶嬰觸網之悲單父歌魚竿繼鳴琴
之趣俾夫一同詩酒不撓於牽絲千載巖溪無慙於景燭
云爾

遊冀州韓家園序

前人

銅溝水北石鼓山東星辰當畢昴之墟風俗是唐虞之國
雖接燕分晉稱天子之舊都而向街當衢有高人之甲第
祥風塞戶瑞氣冲庭芳酒滿而綠水春朗月閑而素琴薦
家童掃地蕭條仲舉之園長者盈門廓落東平之室梧桐
生霧拂柳搖風眺望而林泉有餘奔走而煙霞足用神龍
起伏俱調鼎鑊之鳴滋鳳雌雄並入笙竽之奏高情壯思
有抑揚天地之心雄筆竒才有鼓怒風雲之氣南庭興晚
東徑陰生石髓拆而隱士歸玉山崩而野人醉僉爲文在
我卜翰苑當仁王羲之之蘭亭五百餘年直至今人之賞
石季倫之梓澤二十四友始得吾徒之遊陶陶然落落然
則大唐調露之元年獻歲正月也

與員四等宴序

前人

稽阮寂寥伊班超忽高筵不嗣中霄誰賞古今惜芳辰
者停鶴軫於風衢懷幽契者佇鸞觴於月徑已矣哉林壑
遂喪煙霞少對良會不恒神交復幾請沃非常之思但宣
絕代之遊託同志於百齡求知已於千載道之存矣無乃
然乎人賦一言俱裁四韻

文苑英華卷第七百九

序十一

遊宴二

宴族人楊八宅序一首

初秋於竇六郎宴序一首

秋日出益州李長史宅宴序一首

初秋登王司馬樓宴序一首

秋日與群官宴序一首

晦日楚國寺宴序一首

薛大夫山亭宴序一首

冬夜宴臨邛李錄事宅序一首

早秋上陽宮侍宴序一首

奉勅從太平公主遊九龍潭尋安平王宴別序一首
奉陪武駙馬宴唐卿山亭序一首

三月三日奉使涼官雨中楔飲序一首

上巳泛舟昆明池宴宗主簿席序一首

春日宴兵部常員外常曲莊序一首

先天醮宴序一首

季春下旬詔宴薛王山池序一首

南省就竇尚書山池尋花柳宴序一首

集賢殿書院奉勅送學士張說上賜宴序一首

陪司馬宴王少府東閣序一首

宴族人楊八宅序

楊盈川

名犯鳳陵雖名如當時只書其

僕聞八音繁會合其德者宮商萬壑沸騰殊其流者涇渭
方以類聚物以群分出言斯應則四海之內可以為兄弟
吾道不行則同舟之人可以成胡越夫俗徒擾擾天下喧
喧風雲竭而交道衰勢利行而小人長固知深期罕遇所
以縱傾蓋之談高契難并所以泣相知之晚道之存也獨
在茲乎楊八官金木精靈山河粹氣一門九龍之綏冕四
代五公之緒秩天資學業口談夫子之文日用溫良身佩
先王之德獨遊山水高步煙霞諸侯聞之而願交三公禮
之而爭辟暫同流俗薄遊朝市人倫賞鑑同推郭泰之名
好事相趨畢詣楊雄之宅爾其年光六合常疑邑三春膏
雨零於山原和風滿於城闕遙遙別館花開王樹之宮望

望八川苔發璜溪之水當此時也披雲霧傲松喬坐忘樽
酒之間戰勝形骸之外彫蟲壯思則符彩驚人非馬高談
則鏗鏘滿聽疊疊然信天下之奇賞陶陶然誠域中之樂
事若使陳雷可作攝齊於廊廡之間管鮑再生擁篲於高
門之外盍因文會共記良遊人賦一言同裁四韻

初秋於竇六郎宅宴序

駱賓王

六郎道合採葵嘯懸鶉而契賞諸君情諧伐木仰登龍以
締歡于時一葉驚寒下陳柯而捲翠百花凝照對集作虛
牖以披紅既而俱欣得兔之情共掩亡羊之淚物我雙致
匪石席以言蘭心口兩齊混汗隆而酌桂雖忘筮戴笠與
交態於靈臺而擲管操觚集作於勝氣盍陳六義

賦一言即事疑毫成者先唱云爾

秋日於益州李長史宅宴序

前人

夫以五嶽栖真杳眇青谿之上六爻貞遁寂寥滄海之濱
斯並激俗矯時獨善之風自遠懷才韞智集作蕪濟之道
未弘長史公玄牝凝神靈丹應物得喪雙遺巢由與許史
同歸寵辱兩忘廊廟與山林齊致乘展驥之餘暇俯沉岸
以開筵曲浦澄漪似對任棠之水芳亭興洽如臨疑作山
簡之池加以秋水盈塘集作寒臯集作蒲望州渚肅而兼
葭變風露凝而荷芰踈忘懷在真俗之中得性出形骸之
外雖四子講德已擅集作美於中和而五際陳詩未形言
於大雅爰命虛設題其序云側弁頽山集作自有琴歌

留客操瓢染翰非無山水助人盍各賦詩式昭集作樂事樂事
云爾

初秋登王司馬樓宴序

前人

司馬公千里騰光翼外臺而展足九日多暇敞麗譙以開
筵于時葭散秋灰植移夏火鴻飛漸陸疏集作流斷吹以來
寒鶴鳴在陰振集作上中天而警露於是餽開玉饌交雜佩
以薰蘭集作蘭酒泛金花集作翹溢集作非清樽而湛菊雖旁臨
廣派有異漳渠之遊而俯瞰崇墉雅叶城隅之會物色相
召江山助人請振翰林用濡筆海云爾

秋日與群官集作公宴序

前人

清掛瓢隱舜跡箕山而不歸臨組逃齊泛滄波而長往咸

用潛神集作心物外擯影丘中豈若擬迹小山陶心大隱叶

俾長之怡性偶潘岳以集作之栖閑群公或道洽忘筌契金

蘭而貴舊或情深傾蓋披玉葉以交集作文新于時玉女司

秋金烏反照煙含碧篠結虛影於鮮枝風起清蘋動波紋

於異態加以庭樞剖實耀丹彩而含珠岸石澄瀾泛清漪

而散錦既而誓敦交道俱忘白首之情言款朝期一作款爾連襟

共挹青田之酒不有雅什何以攄情共引文江同開筆海

云爾

晦日楚國寺宴序

前人

夫天下通交忘筌蹄者蓋寡人間行樂共煙霞者幾何群
賢挹集作抱古人之清風翫新年之淑景情均物我緇衣將

素履同歸迹混汚隆廊廟與江湖齊致于時春生城闕氣
改川原聞遷鶩之候集作後時行欣官侶見遊魚之貪餌坐
悟機心加以慧日低輪下禪枝而反照法雲疑蓋浮定水
以涵光忘懷在真俗之中得性出形骸之外雖處集作非
習靜多慙谷口之遊集作談然醉可逃喧自得山陽之氣詩
言志也可不云乎

薛大夫上亭宴序

陳子昂

夫貧賤之交而不可忘珠玉蒲堂而不足貴閉門無事對
黃卷以終年高論不疲逢故人而求夜薛大夫其人也下
官昔承顏色早蒙車騎之知晚接恩光不異平津之舊蔡
邕書史許以相資張載文章見稱於代爾其華堂別業秀

木清泉去朝廷而不遙與江湖而自遠名流不雜既入美
蓉之地君子有鄰還得芝蘭之室披翠微而列坐左對青
山俯盤石而閑襟右臨澄水斟綠酒弄清絃索皓月而按
歌追涼風而解帶談高趣逸體靜心閑神耿耿而臨雲思
飄飄而寓物林軒寂寞星漢縱橫思欲乘汗漫而群遊與
真情而合契歡窮興洽樂往悲來悵鸞鶴之不存哀鷓鴣
之久沒徘徊未歎慷慨長懷東方明而畢昴升北閣曙而
天雲淨悲夫向之所得已失於無何今之所遊復羈於有
物詩言志也可得聞乎

冬夜宴臨邛李錄事宅序

前人

下官遊京國久矣接軒裳衆矣池臺鍾鼓雖有會於終朝

琴酒管絃未窮歡於未夕豈非殊我親愛異我風謔而使
臨堂有懷聞樂增歎者也何公曹嵩州耆老迹尚於沉寘
李錄事吾土賢豪義多於游俠高軒置酒甲第迎賓絲竹
紛於綺窓琅玕盛於彫俎樓臺若畫臨故國之城池軒騎
如雲揔名都之車馬於是乘興自此而遊安得不放意留
歡遺老忘死金壺漏晚銀燭花微北林之煙月無光南浦
之星河向曙赤車使者下官雖謝於古人錦里名家群公
豈慙於昔彦我之懷矣每集作實在於斯同賦一言俱為四
韻

早秋上陽宮侍宴序

宋之問

臣聞神器至大非聖無以光臨寶位至尊非神無以長

我金輪聖神皇帝垂妙覺撫鴻勳出軒宮而鉅紫微卷
衣而襲玄袞釋罟祝網萬族咸寧革故維新五川不用潤
玉律而含元氣輪金渾而調順畧窮荒極遠重譯左言之
俗負阻憑危背德殊風之類莫不厥角稽顙執贄來庭煙
火通於萬方車書混於下界慶延八室享配於明祗辟水
三雍講論乎道義麟鳳薦祉龜龍奉圖石銘顯瑞於郊畿
玉書告祥於宮掖以日繼月紛綸歲終竹帛書之而未窮
夷夏歌之而不極聖人之具品周矣天子之能事畢矣自
千古以下迄于梁隋何功於人比我全德於是寧宴坐展
豫遊順四時乘六辨先王洛食上帝河都樞機正於域中
雨露均於天下徒觀其離宮別殿彌復道而亘南端高閣

重薨瞰崇墉而連北斗滄州曉氣化為宮闕之形閭闔秋
風亂起金銀之樹降凋輿而式宴簪紉疑嚴披鏤檻而昇
高山河在日叅光有地遊日月於天邊現遠無窮見城池
於掌上四達分九重之路積樹稍雲雙莖當鐵鎖之橋流
珠耿漢霞漿王醴與湛露而俱傾鳳管龍絲雜商飈而共
衆作流汗拜首而為序云

垂妙覺 垂集 作乘

奉勅從太平公主遊九龍潭尋安平王宴別序

前人

安平王地惟藩翰才實宗英懸鵠鏡於曾懷運龍泉於掌
握以為時和政理實探道之期賤物貴身尚延齡之術悠
然遠覽廼卜茲山屬聖主之能仁遂賢王之雅好羅紈罷

御輿朱邸而長辭金玉蒲堂棲白雲而不顧巖石信羨結
搆多奇錦壁周庭以造天玉泉注戶而鳴壑三光具樹影
入山窓九節昌蒲光搖砌水竹林茅宇自冥棲隱之心藥
物圖書即有靈仙之氣人惟帝念一作命巖穴所以增輝地

入王家樵採尤其不犯嗟乎林棲谷飲古亦有之豈有貴
而為王鍊形雲壑希世獨立萬古誰隣子晉已來一人而
已群公等銜紫泥之寵命間清溪之逸遊駐驂駢步巖石
籍落花而聽時鳥累宿忘歸蔭芳樹而弄春泉窮年不厭
衣冠車馬明日下於春山鸞鶴笙歌今宵共乎芳月隱淪
可作將知心與事違城闕非遙終惜風流雲散下官少懷
微尚早事靈丘踐疇昔之桃源畱不能去攀君王之桂樹

情可何之請人賦一言俱裁六韻

奉陪武駙馬宴唐卿山亭序

前人

一人御曆乾坤盡覆載之功四海爲家朝野得歡娛之契
若廼候門向術近對城隅帝子垂休時過戚里銀鑪絳節
辭北禁而渡河橋駿馬香車出東城而臨甲第林園洞啓
亭壑幽深落霞歸而疊嶂明飛泉灑而迴潭響靈槎仙石
徘徊有造化之姿苔閣茅軒髣髴入神仙之境芳醪既溢
妙曲新調林園過衛尉之家歌舞入平陽之館是日也涼
陰稍下溽暑將闌前階晚而白露生後池夕而秋風起重
茲行樂欣陪駟馬之遊繼以望舒不頓六龍之轡爰命牋
札咸令賦詩記清夜之良遊歌太平之樂事各探一字先

戲受賞云爾

三月三日奉使涼宮雨中楔飲序

三月上巳有祓除楔飲者成俗久矣摯虞對而不經束哲
言而有禮漢庭故事衣冠乾玄霸之橋晉國遺風輜輶耀
翠嬀之浦興秦宮者我大周之所建也境連伊塞岸隔河
都清暑必在於三伏沫寒不踰於十里占星已畢權仙闕
而威百神匪日將成宜聖皇而福四海吾儕恭興露寢初
泰雲輶遠北京之宴樂坐南山之霧雨相與會良友陶慕
春席幽林觴曲水是日也雜英初發群物半榮春透迤而
上山雪嶽峯而戴谷高人一坐把梓交陰作者肆筵芝蘭
同氣遞襲歌詠不登絃管稽叔夜之鳴琴偏衣綠竹郭子

文苑英華 卷一百一十五
期之春酒本出青山論史可聽談玄愈默不覺齊萬品溢
九圍愛流波惜遲景顧盼相謂雖非巢許之間左右同聲
盍各巖泉之助請柴翰操紙賦詩言志人探一言俱題四
韻

上巳泛舟昆明池宴宗主簿席序 前人

僕不遊於茲十有五載矣心由物感遐矣不忘跡爲事牽
近而難挹南陽宗邕文通學古器重名高令君有奉倩象
賢丞相生玄成邁德暮春脩以文之會上巳邀校楔之遊
乃結搢紳撰清辰殷殷麟麟歆霧驚塵望於昆明之濱觀
其大浸川陸博資畿甸鳧鷖發海來往沉浮日月麗天東
西出入千年珍館無復豫章四面金堤仍同樹杞是日也

駕肩錯轂備朝野之歡娛祛服靚粧匝都城之里閑翠幕
星布錦帆霞屬餘瀝下醉於綃人新聲遠聒於川后縱目
遐覽識皇代之承平得意同歸有吾儕之行樂高明一座
桂樹藂生君子肆筵玉山交映束皙以言談得俊張華以
史漢先鳴登旨酒而無荒絃清琴而自逸於是涉連榻命
孤舟桃水漲而浦紅蘋風搖而浪白逼匡阜兮遵彭蠡邈
矣載浮指衡岳而超洞庭眇焉疑到曲島之光靈乍合神
魂密遊中流之萍藻忽開龜魚潛動踰鏤鯨而鼓棹共看
燒劫之灰歷牽牛而問津欲取支機之石晴光劃野有象
而必形夕陽照山無竒而不見思溢今古心搖草木漢家
城闕遺之以雜霸之風秦塞膏腴潤之以太平之色景窮

勝踐歸限嚴闔思染翰於上林願揮戈於濠汜主稱未醉
唯見馬駐浮雲賓共少留自有魚銜明月宮商待叩群公
之獲助已多序引先題下走之求蒙不逮請授素幅以頌
佳遊使一時之興詠遙存千古之姓名常在

春遊宴兵部常員外常曲莊序 前人

長安城南有常曲莊京郊之形勝也却倚城闕朱雀起而
爲門斜枕岡巒黑龍卧而周宅賢臣作相舊號儒宗聖后
配元今爲戚里常吏官雙珠絕價百金懿名文華得俊於
陸氏兄弟掩譽於荀家先人結廬當大厦之地衆賓連袂
乘暮春之月觀其奧區一曲甲第千甍冠蓋列東西之居
公侯開南北之巷羸女樓下吹鳳降於神仙漢妃館前濯

龍走其車馬地靈磊落而間出天爵蟬聯而相繼拜郎起
草襲鴈而傳羔補衮司槐送伯而迎季爾乃闢虛愧敞華
筵閨門之秀士咸集京邑之清流畢萃萬株果樹色雜雲
霞千畝竹林氣含煙霧激樊川而縈碧瀨浸以成陂望太
乙而隣少微森然逼座尚書未至曳履驚鄰宮尹逸來鳴
騶動壑登玉俎醉金觴地高而珍物雖豐理洞而清徽不
雜以醉觀德因談獲情外戚遨遊自携歌吹主人賞會但
有琴詩於是下高臺陟曲沼鋪落花以爲藉結垂楊而代
幄霽景含日晚霞五彩而丹青韶望卷雲春臯一色而凝
黛景闌興逸氣清心遠仰大儒之肆其德可師入處士之
廬斯人若在諷誦於逸彭之藻沐浴於扶陽之墟向來挹

清議擅風流即事奇偉佳辰行樂安可無述文在茲乎
國善誘一作議詞宗見收士末內史楔亭之集竊倚琳琅衛
尉別業之遊濫先題目歸軒莫駐麗城將掩拙而不速恨
無倚馬之才婉而且微請談雕龍之什公命賦水字盍成
四韻云爾

文華集作文章陸氏集作班氏秀士集作秀才煙霧集作景舍日
煙雨景舍日集作容

恨無集作愧無

先天酺宴序

張說

先天初集作元祀孟冬十月東都留守常公寅奉聖朝述宴

集作宣嘉旨乃合洛京之五省招河尹之二縣將吏咸集佩

璋集作章有序鏘鏘濟濟仰品閭閻供張於興教之門式酺

宴也原夫樂生於心非因結風之奏和達於氣無待陽春

之節蓋澤之所及者集作也深則情之所感者遠國家天地

一統君臣百年朝榮舊德之緒集作類服集作類先疇之業玄化

漸漬洪恩既久太上功成集作德不宰夏后命子之初皇帝

孝理無為漢祖事親之日先堯舜之集作於天屬見文武之

集作於同時前古未逢斯人何幸是日六樂振作萬舞苒弱

英華作鳥獸徘徊士女踴躍則知衆庶觀聽之所樂也旨

酒絡繹大庖燔炙芳溢風煙醉流阡陌則集作又知衣冠酣

暢之所適也由近而視遠萬國之慶皆然自明而察幽三

靈之歡一作欣可接若夫吟咏德澤播越仁聲斯固雅頌之

余風集作波政教之遺美固集作凡我詞客安可集作敢闕如賦

詩展事垂列于后

季春下旬詔宴薛王山池序

前人

有生之微萬殊無方之感

集作盛

一節陽和而動植暢春滿

而皐瓌悅后皇所以發時令布新慶二南邁周召之風百

辟形金石之詠者也碧樓日暖青

集作南

山雪殘首獻歲之

淡辰尾暮春之提日帝京形勝借山林而入遊戚里池臺

竄脩竹而開宴泉明御府味給天厨仙倡作樂中貴督酒

太平佳事前史未書大矣哉一德日新九功惟叙運壻樞

而均四氣握金鏡而靜萬方堯舜湯文不違顏於咫尺夔

龍伊呂共接武於朝廷不可見而見焉不可聞而聞者豈

深思勝殘去殺累百年之至仁推曆按圖啓千齡之昌

河清難得人代幾何擊壤之歡良有以也地即

集作此則

青門

上路朱邱平臺城煙屢起而汨山野風時來而過水春將

悵別愛落花之洒途夏如欣會玩峯雲之映沼爾其列筵

授

集作受

几分曹設幕艇送江鳧船迎海鶴魚龍九劍曼延

揮霍鸞鳳鳴簫鼓作

集作鸞鳳簫鼓

申錫逾

集作開

於百甕蒸

惠

集作心

出於三爵炮炙熏林塘醪醴馱丘壑朴急管於無

筭醉湛恩以取樂群公賦詩俾僕題序長卿消渴覺含毫

之轉遲子雲壯

集作老

夫見雕蟲之都廢敢悼鄙詞之訥溢

恐貽盛集之蕪穢云爾

南省就竇尚書山池

集作亭

尋花柳宴序

前人

尋花柳者上賜群臣之宴也大哉春氣同夫聖心無物不

榮有情咸說集作達况乃五教敷洽萬邦懷和尉候警而莫

犯刑法存而不用歷觀近古此遇良難諸公入金門侍瑤

殿窈窕雲閣歲蕤華館集作綬不亦泰乎然王事靡盬夙夜

在公接良會於愷懌集作澤散煩襟於清曠不亦優集作佳乎

爾其嘉賓爰集勝賞斯備召絲竹於伶官借池亭於貴里

雕俎在席金羈駐集作臨門遠山片雲隔層城而助興繁鷲

芳樹遶高臺而共樂旨酒未缺方塘半陰盍陳既醉之詩

以求太平之日

集賢殿書院奉勅送學士張說上賜宴序

張九齡

集賢殿者本集仙殿也上不以文粹無此二字惟睿作聖而猶垂

意好學用相必本於經術圖王亦始於師臣及乎鴻生碩

儒博聞多識之士自開元肇建以迄于今大用徵集煥乎

廣內而聽政餘暇式燕在茲忠臣嘉賓得盡心之所聰明

文思有光被之德故下以道親上亦歡甚即於御座爰發

德音以為候彼神人事雖前載傳於方士言固不經遂改

為集集作仙為賢去華務實且有後命增其學秩是以集賢之

庭更為論思之室矣中書令燕國公外弼庶績以奉沃心

之謀內講六經以成潤色之業故得出入華殿師長翰林

惟帝用臧固天集作凡所賴拜命之日荷寵有加降聖酒之

壘頒御厨之膳食以樂侑人斯德飽時有侍中安陽公等

承恩送集作頭焉學士右散騎常侍東海公等攝職在焉或

稷契大賢或淵唐諱雲諸彥文王多士周室以寧武帝得人漢家為盛而高視前古獨不在於今乎咸可賦詩以光鴻烈

陪王司馬宴王少府東閣序 前人

夫道行與廢命也非謀之不臧命通與塞時也豈力之為弊古之君子推其分養其和仲尼得之以弦歌傳說因之以版築至若詩有怨刺之作騷有愁思之文求之微言匪云大雅王六官志其大者司馬公引而伸之謫君何心不欲賈生之投分集作窮愁非我安用虞卿之著書嘗以風月在懷江山為事薄領何廢形勝不孤集作羣與孤同既好樂而無荒亦尚集作上同而不入迨乎倚集作層閣憑華軒川澤

清明上懸秋景岑嶺迴合下帶谿流連草樹而心搖際爨氛而目盡茲邦枕倚是日登臨豈予虛之過詫誠仲宣之信美物色起殊鄉之戚誰則無情而道術得異人之資吾方有遣於是旨酒時獻清談間發歌滄浪以放言詠蟋蟀而傷儉蓋古人之作者豈異於斯盍賦詩焉以揚厥集作美

之戚集作有感 有遣集作有適

宴宗主簿席序匝都城匝集請授素幅集作請以頌

集作以頌興詠集作歌詠

文苑英華卷第七百十

序十二

遊宴三

韋司馬別業集序一首

益州長史杜置酒宴別序一首

歲除陪王司馬登薛公道遙臺序一首

宰相及百官定昆明池宴序一首

湖中宴王使君序一首 趙六宅浴後宴序一首

仲春群公遊田司直城東別業序一首

劉侍御月夜讌會序一首

陪李採訪泛舟蓬池宴李文部序一首

河中鶴鵲樓集序一首

春夜宴從弟桃花園序一首

夏日諸弟登汝州龍興閣序一首

冬夜裴郎中薛侍即置酒宴序一首

華山黃神谷讌臨汝裴昆陵十四明府序一首

鄭縣劉少府宅月夜登臺宴集序一首

建丑月十五日虎丘山夜宴集序一首

九日陪庶使盧端公宴東樓序一首

晚秋陪盧侍即遊石橋序一首

陪諸公宴京兆王參軍宅序一首

春宴蕭侍御林亭序一首

遊李校書花藥園序一首

韋司馬別業集序

張九齡

杜城南曲斯迎郊之美者也背原面川前峙太乙清渠修

竹左並宜春山靄下連俗集作氛中絕此皆鄭公之有也

余固已聞之開元歲夏四月猥忝散職居多放情跋彼一

行無忘於夙尚時因集作七召果獲於前期迺與起居舍

人蔡公萬年主簿韓公惠而得朋欣然命駕韋公方拭席

見待羞以藥物之滋倚琴相歡雜以嘯歌之韻清言移景

閑步周林翻飛自情俯仰焉得斯亦吾儕之樂事幸可而

同也扶陽餘慶磻溪古跡樹留梓漆噐用天成庭漸芝蘭

馨香世襲斯乃帝氏之懿業是所謂異焉而韋公尚其同

之樂忘其身集作之貴均林棲於服冕齊非食於焚枯彼

未可量吾見其大跡繼前軌將為龍以為光道包遠圖豈
一丘而一壑二三君子相與志之云

益州長史叔置酒宴別序

前人

天子建五長守四方內以承衛京師外以攘却戎狄則有
持其節制未十年而歷踐撫其封疆既一行而安集作寧輯
盡在我叔父備聞於集作干朝廷昔者吉甫是欽仲著孝友
之德楚子所畏越在諸侯之選世有實績今以美濟俾我
張氏鬱彼士林以媚於一人以正于四國豈非德能光大
謀必變通思古人之獲心施君子之不器所以前拜小司
馬兼擁旄於五命集作京今為集作拜命左常侍特集作仍惣戎於
三蜀軌模素遠綽有先路之風聲車服載馳光備上軍之

禮命莫不文茵暢鞅淑旂綬章曄曄皇皇塗將出乎華陽

威已疊乎夜郎是時也四序鱗次屬當春夏之交千里草

長有懷原隰之生乃闢軒宇速集作邀賓寮自髦士而及同

姓集作由啓集作由金華而下建禮或交以道合豈徒隸好之風或

情以族親所集作於謂宗盟之義龜組交映肴蔽駢羅而聲

欲成文發中堂之絲集作絃管志在激集作擊節感四坐之衣

冠必名義以集作而為言雖聚散而何有酒酣相顧驪歌乃

作白日西下求壯士之翻車青山南登愛忠臣之叱馭凡

我明懿賦詩餞行集作綽有蔚有

歲除陪王司馬登薛公逍遙臺序 前人

故郡城有荒臺焉雖層宇落構而遺制巋然邑老相傳斯

則薛公道衡之所憇也薛公不容隋季出守海隅豈作臺
榭以崇奢蓋因丘陵而視遠必有以清滌孤憤舒嘯佳辰
寄文翰以相宣仰風流而未泯今司馬公英達好古清譽
滿時迹有忤於貴臣道未行於明主以長沙下國同賈誼
之謫居六安遠郡無桓譚之不樂嘗以為仁不異遠必敷
政以愛人窮當益堅已恒集作恒懷而樂地屬府庭閑暇江
浦清明南山集作上陽和覺寒氣之向盡東郊物候集作候愛
春色之先來於是乎命輕舸以亂集作乘流趣高臺而降宅
集作望越荒堞披古旭集作道躋隱嶙而三休俯芊綿而四極
其遠則煙遠墟井指甌駱集作籍以南馳雲合山川距荆吳
而北走其近則深谿見底鱗介之所出沒喬林夾岸羽

之新翔翔悠哉薛公無不寄也意神期之可接陟彼峻隅
想風景之不殊剪為茂草司馬公又以為峴山故事感羊
拈以興言湘水遺風懷屈原而可作况登高能賦得無述
焉其實小人受教君子雖羲之樂會稽之士自與許詢而
仲舉愛集作禮豫章之人復招徐孺是日也群賢集作英在焉
猥惟陋才忝陪下列祗命為序請各言詩集作言志

宰相及百官定昆明池旬宴序 孫逖

古者天子居青陽服蒼玉於是乎和令布德行慶施惠其
義遠矣粵若稽古皇帝御天下之十有九載溥暢神化弘
宣大明氏羗來享四方無事元凱升朝百揆時序年屢豐
而多慶物由庚而自樂乃賜群臣十日宴所以畢春氣樂

太平也越三月巳巳會于定昆明池於是秉鈞宗公執事
庶尹玄袞赤舄黼衣繡裳奉璋瓊珮玉鏘鏘仰丹闕而
拜命俯清川而樂飲大庖孔碩尹京爲致餼之司旨酒思
柔柱史爲佐樽之政既錫之以高會又悅之以備樂修妓
羅舞名倡間歌含姑洗於鍾鼓動陽春於羽籥陟則設帝
降則具舟榜文鷁以沂泗與飛鷗而狎玩魴鱖甫甫鳧鷖
翼翼薰風敷散於草木喜氣宛延於郊甸亦既醉止于胥
樂兮夫恩之所覃者深則感之所及者遠引之於大足以
助天地之同和伸之於微足以致魚鱉之咸若大君垂裕
豈庶也哉詩以展事抑惟舊典我上相裴公中書令蕭公
休又皇極緝熙文教以爲正國風美王化者莫近於詩微

言浸遠大義將缺乃命革剡浮靡道揚雅頌斷雕爲樸取
實棄華親題首章以倡在位皇矣上帝式歌文王之德穆
如清風方聞吉甫之頌請問其目列之於左

湖中宴王使君序

前人

書曰寇賊姦宄又曰奪攘矯虔延于平人干國之紀常州
刺史王公奉若天命肅清江服德之至也不言而默信令
之行也不言而知懼政未暮月路不拾遺斯亦隨武子鄭
太叔常從事於茲矣歲三月使車行郡輕舟入湖自公及
私寓物成趣水照金章春明朱紱倚禹穴於前棹廻越城
於後屏南國春暮鶯花亂飛東山晝晴林嶺皆出載酒公
讌尋幽水嬉班秩以節在宴樂而有禮簪笏斯皇覺雲湖

之增價夫皇華乘傳朝寄之重丘壑林藪幽趣之適在此
行也兼而有之請賡載歌用旌厥美

趙六宅浴後宴序

昔孔門達者言志於夫子曰浴乎沂風乎舞雩咏而歸豈
非遊必有方道在則樂貴潔清以象德輔精爽而成趣吾
友趙子亦事斯語矣歷選暇日咨謀同心備預芳華有事
沃盥炎火電煙洞房煥若探湯以申誠 水知其善清以
流其惡則形之汾澮苦而利於病則神之藥石雖雅琴養
德惠風析醒魯何喻哉未足多也振衣而退繼酒爲樂需
食有節誦言無譁所貴酣暢以和湫底夫始於澡身終於
養神樂只君子曷嘗違仁左衛騎曹張晉明仲紙染毫俚

余題序

仲春群公遊田司直城東別業序 陶翰

余聞宥天下不聞理天下故夏臺門疑而生自疑作秋官

澹而守中不然我群公法家之流惟刑是恤亦何暇閣挂
巾車鏘鏘乎在此堂矣司直鴈門田侯行脩器博心遠地
偏於是啓郊園之扉主簿天水姜侯詞才俊秀雅志堅直
於是傳翰林之檄嗟乎城池不越井邑不移林篁忽深山
鬱斗起出迥塘而入蒼翠更指深亭因曲岸而捫穹嵌忽
升絕頂雲天極思河山蒲目苗齒春色蒼茫遠空煙間之
宮闕九重砌下之亭臯千里臨眺之壯也罇酒既醉舞袖
登筵歡洽在斯獻酬無筭措九州於樂府移三典於頌章

皆我順堯之心除秦之政所以偶春服之宴也咸請賦詩

劉侍御夜月讌會序

元結

兵興已來十一年矣獲與同人歡醉達旦詠歌取適無一

二焉乙巳年集作歲彭城劉源在衡陽逢故人或有在者日

昔英華作指非相會第寬遠遊始與諸公待月而笑語竟集作競

與諸公愛月而歡醉詠歌夜久賦詩言懷於戲文章道喪

蓋亦久矣時之作者煩雜過多歌兒舞女喜相喜愛系之風

雅誰道是耶諸公常集作嘗欲變時俗之淫靡為後生之規

範今夕豈不能道達情性或集無此字成一時之美乎

陪李採訪泛舟蓬池宴李文部序 蕭穎士

聖后欽明天工愍恤人瘼罷前監郡仍昔樓集作按剖其為

晉也大馬若乃地疑作池梁墟城浚都舳艦萬里闐闐千室

通邑之尤也東至于河西至於海亘長淮而彌甸服方域

之雄也牧守之任循良之選豈易人哉今茲春歲聿旱人

咨荒歉朝廷慮東方之耗斲也慎簡大賢而臨蒞之明詔

乃下俾鉅鹿守李公往馬亦既褰帷零雨其祈矜人蔭麻

貴余疑作余日衰被青徐而周交豫有政刑矣已而襄國士

女結去思之怨大君愍然又命公族之良前文部侍郎東

陽繼焉擅文儒之後所以司綸翰兼銓尺矣韞戎畧之權

所以參蘭稽貳麾節矣登朝而備履清貫出守而再踐名

邦其鎮撫斯境式慰饑渴宜矣秋九月鉅鹿舟輿次于是

都明使君客馬懿夫尊卑有序敦晉鄭之好前後斯謚羨

召杜之德温温二公善可知馬越三日宴集于南亭具水
嬉也出層城橫通川廻環里閭曠望郊廛抑抑威儀徒馭
如馳人導馬隨以至于蓬池矯翠帟登畫鵠揖讓有禮獻
酬無斃威哉赫乎方伯所以饗邦君也爾乃洲島廻互林
亭蒼鬱天海清平豁若萬頃澄湛乎其間紅蕖照灼綠菱
搴漾淺草細萍往往藂生邀魚舟望白鳥江湖勝勢去去
非遠既而涉則在岸泛則在流珍羞間海陸之錯妙舞應
荆吳之奏參差逶迤笑語忘疲亦千古一時也晚林未疎
堤草更綠輕雨泛灑微風清潤泝洄淪連終日夕馬二公
喜一作昇平生至樂歡然有命賦詩客有欣遇二府遙賓
遊之末從事斯文爰操簡請同賦四韻嗣於國風之後焉

河中鵲鵲

疑作雀

樓集序

李翰

後周大冢宰宇文護軍鎮河外之地築爲層樓遐標碧空
影倒洪流二百餘載獨立乎中州以其佳氣在丁代爲勝
槩四方雋秀有登者悠然遠心如思龍門若望崑崙河南
尹趙公受帝新命宣風三晉右賢好事遊人若歸小子承
連帥之眷列在下客八月天高獲登茲樓乃復俯視舜城
傍窺秦塞紫氣度關而西入黃河觸華而東匪龍擲虎視
下臨八洲前輩暢諸題詩上層名播前後山川景象備於
一言上客有前美原尉宇文勣前櫟陽郡鄭鯤文行光達
名重當時吳興姚係長樂馮曾清河崔郊鴻筆佳什聲聞
遠方聲刷不者天追飛九清相與言詩以繼暢生之作

命余紀事書於前軒

春夜宴諸從弟桃園序

李白

夫天地者萬物之逆旅也光陰者百代之過客也而浮生若夢為歡幾何古人秉燭夜遊良有以也况陽春召我以煙景大塊假我以文章會桃李之芳園序天倫之樂事群季俊秀皆為惠連古今詠歌獨慙康樂幽賞未已高談轉清開瓊筵以坐花飛羽觴而醉月不有佳作集作何申雅懷如詩不成罰依金谷酒集有數

夏日諸從弟登汝州龍興閣序

夫種榮芳園蟬嘯珍木盖紀乎南火之月也可以處臺榭君高明吾之友于順此意也遂卜精勝得乎龍興留寶馬

於門外步金梯於閣上漸出軒戶遐瞻雲天晴山翠遠而四合暮江碧流而一色屈指鄉路還疑夢中開襟危欄宛若空外嗚呼屈宋長逝無堪與言起予者誰得我二季當揮爾鳳藻飛乎鸞觴一作叟與白雲老兄俱莫負古人也

冬夜裴郎中薛侍御

英華作即非

置酒讌集序

二公以太司馬之命領浙河東西十有三州之政相與周爰諮度平均邦賦者三月矣當割而遊刃無間臨機而舍拔則獲由是在簿領之際無江海而閑冬十月辛未徵會于此堂讌朋友故舊也賢豪畢萃升降有序縫衣淺帶十有五人聲同故窮達不問意得而鄙懷集作皆遣肴芳酒濃夜寂琴暢慷慨言志絡繹舉白盱衡抵掌啞啞大笑三

爵耳熱萬念如洗不復計名身之親踈憂患之去來也况

他累乎既醉余以箸擊酒集作唾壺叩商而歌其詞曰簿領

日盈機知君傲煩器飲和自忘渴况以初筵招道契跡自

親誰謂列宿遙何用結同心綠琴復長瓢日月若走馬炎

涼催斗杓一年鮮大集作頓笑幾日如今宵奉君千金壽莫

使歲寒凋是日也集無也字禮成於意歡生於同滯憤積慘等

掃湯沃方今滄溟集作溟海始波世未康矣集作世也志康二公克壯

其猷集作猶以立事為已任行當自致青雲之上不復與適

莽蒼者群矣吾儕浮沉其間風水俱逝集作與風水俱他日或潛

淵集作泉或咲天一離一合雲動雨散然後知今日罇酒未

易再得將子無金玉其音姑偕賦以卒賦

華山黃神谷讌臨汝斐吡陵十四明府序按圖經仙人黃

廬子得道昇仙之所

前人

黃廬子滅景上漢千歲矣番碧峯白雲以貽後世故清機

勝事未始有極余使集作吏于華之明年道侶裴冀亦再命

為臨汝令夏六月假道弊邑稅鞅此地集作山思欲追高步

詣真境於是相與携手及二三友生童子將命者六七人

挈長瓢荷大壺以濁醪素琴會于黃神之谷興也按谷之

西頂實三峯東面石壁藁倚東為洞壑乳竇潛泄成盤渦

兩崖合關若與天接三二子將極其深也二字集作各探也至則

繫馬山足披藁石門入自洞口至於梯路蹋連嶂而輿疊

嶸度嶮嶽而躡凌兢黃緣絕磴及橫嶺而止澡身乎飛泉

濯纓乎清漣想夫君俟我於蓮花峯之下五字集作碧集

碧空而嬋娟愛而不見搔首空山然後靡靈草以為席傾流

霞而相歡集作勸楚歌徐動沂詠亦發清商激於琴韻白雲

起於筆鋒是日也高興盡而世緒遺幽情形而神機生頽

然覺形體集作骸六藏悉為外物天地萬有無非秋毫既醉

且止集作亦則亦足言以志仙跡且旌吾友嘉會之在山

也

鄭縣劉少府兄宅月夜登臺宴集序 前人

夏六月小暑至矣吾兄方暮夜天掃月榭有酒如乳醱我

乎城南集作隅城臨近高山俯瞰集作欄平隄秦郊漢院相錯

如繡且有顛氣足以娛人故數君子稱觴焉其誰同之有

著功曹隴西李華參軍滎陽鄭洵卿瑯琊王休集作沐河東

斐貺鄭尉京兆常造皆卿材也聲同而形體相忘道契而

集作故機事不入是以有高會遠望危言浩歌或心愜清機

寓興於物或語及陳迹盱衡而笑於是初筵而惠好脩中

飲而意氣接既醉而是非遣夫彭澤採菊隱候臨風謂之

盛矣况高城古臺深夜朗月芳罇良友佳境勝事今夕何

夕八者俱并盍亦借賦於此乎觀三二子之志

建丑月十五日虎丘山夜宴序 前人

方今內有雙龍臯伊以佐百揆外有方叔已虎以守四方

江海之人高枕無事則琴壺以宴友朋嘯歌以展霞月吾

黨之職也我是以有今茲虎丘之會巖巖虎丘莫吾西門

萃然如香樓金道自下方而踴躍鎖丹霞白雲於蓮宮之
內會之曰和氣滿谷陽春逼人巖煙掃除肅若有待余與
夫不亂行於鷗鳥者銜流霞之盃而群嬉乎其中笑向碧
潭與松石道舊兒觥既發賓主醉止狂歌送酒坐者皆和
互趣所奏集作吳趨數奏雲去日沒梵天月出集作日萬里如練松
陰依依狀若留客于斯時也撫雲山爲我擘視竹帛如草
芥頽然樂極衆慮皆遣於是奮髯屢舞而勸今夕何夕同
者八人醉罷偕賦以爲此山故事

九日陪庶使盧端公宴東樓序 于邵

國家以桂林重鎮吳越襟帶有郡縣必可以綱紀有蠻夷可
以羈縻朔南聲教蓋以此始皇上繼承大位之明年啓

群后載命連率是以范陽盧公自京而來條察二十八州
諸軍事千里之地遂無外虞三軍之士皆務前敵疑然後
賞必勞罰必害官不易法府無留事封畧既靜公堂自閑
况重陽美景得不爲樂大合賓佐高張却橫紅塵發地青
山垌牧連天漲海來接蒼梧憑高而翠靄轉微送遠而白
鴈看沒泛椒菊而筭爵顧絲桐而間奏賓醉月上主待露
晞想彭澤之獨遊悵馬臺之陳迹今日之會何其盛歟余
負累謫居卒起庭府黜叅佐之禮陪上罇之娛韜灰已燃
鄒谷自煖奉命爲序冠于群篇辭之所難效謝不敏請分
賦五韻書諸即事云

晚秋陪盧侍遊石橋序

前八

以公責左遷于茲迨一周星矣首疾心痲繼日經懷實由
南冠尚簪憂所未忘是以幽求人境之外將蕩滌煩慮得
諸石橋久之豈無他人不如我志願言卒交者亦久之殿
中侍御史范陽盧子至監理下國未浹辰而居簡乘暇行
鑣載勒致為客數公方駕儼從如林煌煌焉奔走乎壩落
延屬乎禪官疑矣三登彌高累息以進而後偕集于橋下
徒觀夫挂長虹以飛來陵半霄而勢去下空如豁織蘿不
生上頂為惟佳木藜秀不可得而惣載也以為本於融結
庸可自然資於造化力役不及明矣東極大水北走長安
維郭雉堞如示諸掌大田多稼宜乎有秋群山積翠以回
合好鳥追飛而下上有是勝賞以是開懷盍賦新詩以紀
良遊敢復畢辭多慙老敗

陪諸公宴京兆王參軍宅序

前人

一時之事也侍御以嘗忝鷄沼潤色鴻業以文司錄俾序
王參軍國族之貴介子也况抗衡神都抵堂翰苑渴日行
道推心與人故士君子願遊芝蘭不避風雨僕校文者得
無勸乎冬至十月飛雪千里携我入室接君初筵嘉餼惟
錯清醑有蕘取適可以齊鷓圖及醢可以去孤白始為合
獻之禮終為縱飲之樂有足多也飛鷗戾天宿鳥擇木鍾
鼓告寘軒裳欲歸主人諸僕一歲三捷斯不可觀愚以更
請賓將不然蓋言之不可以亡也多媿皆讓

春宴蕭侍御林亭序

前人

監察御史蕭公以初獻戎捷塞庭無事從板輿之暇日邀
幕賓而揖我必選以勝况臨清江始乘安流終踐樊圃嘉
客以入華亭豁開桴浮往來上下皆見竹村引外郊雲物
鳧鷖爲夫人家禽豈日駐花間天鋪潭底自爲勝槩而蕭
公於是客密戚荷賓榮惜此交歡愛此遲景飛觴舉白亦
云醉止顧我以客時無間焉舞升堂之嘉慶抱壽慶之余
瀝殿中侍御史鄭公文宗也退而喜曰今日之會允爲良
辰不有斯文無以終樂遂歷賦諸韻凡二十余篇命爲序
引讓之不可

遊李校書花藥園序

前人

春吹萬以爲物皆有役我智者惟役之不殆終而有用故

君子盡心於藥焉恐精華之不迨已也崇文館校書郎李
公寢門之外大亭南敞大亭之左勝地東豁環崖種藥不
知斯池幾十步但覩其縹耿霞錯葱籠煙布密葉層映虛
根不搖珠點夕露金燃曉光而後花發五色色帶深淺藜
生一香香有近遠色若錦繡酷如芝蘭動皆襲人靜則奪
目此李公及時之適也至若上苗可食下體兼採子入菰
飯華雜蒲菹既其平而性寒又辛溫而執熱瘴除而不爲
去傳風愈而安知及書此李公谷中之本也吾徒沐公馨
香愛我藥石皆可右坐願爲佳遊風生白蘋日映丹浦披
搖羅霏則花飛鏡中虛涵崢嶸而山在海底入門而未辨
金谷問地而不言河陽况春醞已清家園可摘飲盡落景

勸無後時憶戴而乘輿自來知鍾而聽絃立應此李公推
心之分也禮曰發慮以憲語云從吾所好慮以觀進好無
思邪而公智周末北根據有益上符性命之理下從耳目
之玩舉一物而庶美集得不謂之難哉韓康隱名徒盡職
者羊叔相遺吾無間然聊對諸人之意用觀賦物之作予
乃僚也敢無述乎

文苑英華卷第七百十

物之發也... 心之分也... 思而公智... 之元舉一物... 在手叔相... 乃條也...

乃條也...

